

# ხელშეკრულება სახელმწიფო შესყიდვის შესახებ

№2.9.12/10/048

ქ. თბილისი

04 ივლისი 2014 წელი

ერთის მხრივ ქ. თბილისის დიდუბის რაიონის გამგეობა, მდებარე: ქ. თბილისი, გრ. რობაქიძის გამ. №2 (შემდგომში „შემსყიდველი“), რაიონის გამგებლის – ლევან მხეიძის სახით და მეორეს მხრივ შ.პ.ს. „არადელი“, მდებარე: ქარელის რაიონი სოფელი არადეთი, (შემდგომში „მიმწოდებელი“), ხელმძღვანელის ბიჭიკო ტიტენიძის სახით, ეხელმძღვანელობთ რა „სახელმწიფო შესყიდვების შესახებ“ საქართველოს კანონის მე-10 პრიმა მუხლის მე-3 პუნქტის „გ“ ქვეპუნქტისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-3 მუხლის მე-2 პუნქტის „გ“ ქვეპუნქტის მოთხოვნათა გათვალისწინებით და ქალაქ თბილისის მერიის 2014 წლის 30 ივნისის წერილის №10-42/14181276 საფუძველზე, როგორც გადაუდებელი აუცილებლობა, გამარტივებული შესყიდვის საშუალებით, ვდებთ წინამდებარე ხელშეკრულებას შემდეგზე:

## 1. შესყიდვის ობიექტი

შესყიდვის ობიექტია:

- 1.1. ქ. თბილისის დიდუბის რაიონის ტერიტორიაზე, გრ. რობაქიძის გამზ. №7, კორპუსი №4 საცხოვრებელი სახლის მიმდებარედ არსებული ქუჩის საყრდენი კედლის და ქუჩიდან სადარბაზოებში შესასვლელი ხიდების აღდგენითი სამუშაოები.
- 1.2. კლასიფიკატორის კოდი 45100000
- 1.3. შესყიდვის ობიექტის – მისაწოდებელი სამუშაოების ხარჯთაღრიცხვა მოცემულია ხელშეკრულების დანართში.

## 2. ხელშეკრულების ჯამური ღირებულება

- 2.1. ხელშეკრულების ჯამური ღირებულება შეადგენს 120417 (ასოცი ათას ოთხასჩვიდმეტი) ლარს.
- 2.2. ხელშეკრულების ჯამური ღირებულება მოიცავს მიმწოდებლისათვის მოქმედი კანონმდებლობით განსაზღვრულ ყველა გადასახდელს.

## 3. შესყიდვის ობიექტის მიწოდების ვადები, ადგილი და პირობები

- 3.1. შესყიდვის ობიექტის მიწოდება მოხდება ეტაპობრივად, ხელშეკრულების გაფორმებიდან 45 კალენდარული დღე.

#### 4. ხელშეკრულების მოქმედების ვადა

4.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს ხელშეკრულებით გათვალისწინებული ვალდებულებების სრულ და ჯეროვან შესრულებამდე. 2014 წლის 31 დეკემბრამდე.

#### 5. შესყიდვის ობიექტის მიღება-ჩაბარების წესი

5.1 მიმწოდებელი ეტაპობრივად ჩააბარებს შემსყიდველს შესრულებულ სამუშაოებს. მიმწოდებლის მიერ შესყიდვის ობიექტის ან მისი ნაწილის (ეტაპი) დასრულების შემდეგ შემსყიდველის მიერ დაქირავებული საექსპორტო ჯგუფი - შპს. „ლაბორატორია“ განხორციელებს შესყიდვის ობიექტის ან მისი ნაწილის (ეტაპის) რაოდენობრივი და ხარისხობრივი პარამეტრების შემოწმებას. სამუშაოების ეტაპობრივი მიღება-ჩაბარება განხორციელდება მიმწოდებლის მიერ წარმოდგენილი სამუშაოთა შესრულების ფორმა №2-ის საფუძველზე, რომელიც დადასტურებული უნდა იყოს შემსყიდველის მიერ დაქირავებული საექსპერტო ჯგუფის - მიერ და მიმწოდებლის საამისოდ უფლებამოსილი წარმომადგენლების ხელისმძღვრებით. სამუშაოთა საბოლოო მიღება-ჩაბარება განხორციელდება მათი დამთავრების შემდეგ თანახმად ტექნიკური პირობებისა, მოქმედი სამშენებლო ნორმებითა და წესებით განსაზღვრული აქტების საფუძველზე.

5.2. შემსყიდველის მიერ დაქირავებული საექსპერტო ჯგუფის - მიერ შესყიდვის ობიექტის ან მისი ნაწილის (ეტაპი) რაოდენობრივი და ხარისხობრივი პარამეტრების დროს დეფექტების ან ნაკლის გამოვლენის შემთხვევაში შემსყიდველი ოპერატიულად, წერილობითი სახით, აცნობებს მიმწოდებელს შემოწმების შედეგებს - დაწუნებული სამუშაოს და წუნდების მიზეზებს.

5.3 ხელშეკრულებით ნაკისრი ვალდებულებების შესრულების პერიოდულ ინსპექტირებას და კონტროლს ნებისმიერ ეტაპზე ახორციელებს შემსყიდველი. ხელშეკრულებით ნაკისრი ვალდებულებების შესრულების კონტროლზე და მიღება-ჩაბარების აქტების გაფორმებაზე პასუხისმგებელ პირებს შემსყიდველის მხრიდან წარმოადგენენ:

ა) ქ. თბილისის დიდუბის რაიონის გამგეობის ინფრასტრუქტურის განვითარების განყოფილების თანამშრომელ(ებ)ი;

ინფრასტრუქტურის განვითარების განყოფილების უფროსი ავთანდილ ანთიძე.

ინფრასტრუქტურის განვითარების განყოფილების მთ. სპეც. თეიმურაზ ოქროშელიძე.

#### 6. ხელშეკრულების ობიექტის ხარისხი და გარანტია

6.1. მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

6.2. შესყიდვის ობიექტის ხარისხი უნდა შეესაბამებოდეს შემსყიდველის მოთხოვნებს.

6.3. შესყიდვის ობიექტის საგარანტო ვადაა ხუთი წელი; სამუშაოს დასრულების შემდეგ 5(ხუთი) წლის განმავლობაში რაიმე წუნის (ნაკლოვანებები, დეფექტები) აღმოჩენის შემთხვევაში, თუ დადგინდა, რომ აღნიშნული წუნი (ნაკლოვანებები, დეფექტები) გამოწვეულია „მიმწოდებლის“ მიზეზით, „მიმწოდებელი“ ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით.

6.4. „შემსყიდველი“ ვალდებულია წერილობითი ფორმით დაუყოვნებლივ აცნობოს „მიმწოდებელს“ ნაკლის აღმოჩენის შესახებ.

6.5. თუ „მიმწოდებელი“ ნაკლის აღმოფხვრასთან დაკავშირებით მიღებული შეტყობინების შემდეგ არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული დეფექტების გამოსწორება.

#### 7. ანგარიშსწორების ფორმა, გრაფიკი (ვადები) და ადგილი

7.1. ანგარიშსწორება განხორციელდება ლარში;

7.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

7.3. წინასწარი ანგარიშსწორება გათვალისწინებული არ არის.

7.4. ანგარიშსწორება „შემსყიდველის“ მიერ მოხდება ეტაპობრივად, შესყიდვის ობიექტის მიწოდებისა და წინამდებარე ხელშეკრულების 5.2. მუხლში მითითებული დოკუმენტაციის წარმოდგენის შემდეგ არაუმეტეს 20 (ოცი) საბანკო დღის ვადაში.

7.5. იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულებების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.

7.6. ანაზღაურების ადგილია ქალაქი თბილისი.

## 8. მხარეთა უფლება-მოვალეობანი

8.1 „შემსყიდველს“ უფლება აქვს:

- შეამოწმოს მიწოდებული სამუშაოს შესაბამისობა ხელშეკრულებით გათვალისწინებულ პირობებთან.
- განახორციელოს კონტროლი და ზედამხედველობა მიმწოდებლის მიერ ხელშეკრულების პრობების დაცვაზე.
- უარი თქვას უხარისხო სამუშაოს მიღებაზე.

8.2 „შემსყიდველი“ ვალდებულია:

- წერილობით აცნობოს „მიმწოდებელს“ სამუშაოს მიწოდებასთან დაკავშირებული ყველა განსაკუთრებული გარემოების შესახებ.
- მოახდინოს ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად;
- დაიცვას ხელშეკრულების სხვა პირობები.

8.3 „მიმწოდებელს“ უფლება აქვს:

- მოსთხოვოს „შემსყიდველს“ მიწოდებული სამუშაოს ღირებულების ანაზღაურება ხელშეკრულებით გათვალისწინებული პირობებით.

8.4 „მიმწოდებელი“ ვალდებულია:

- გააფრთხილოს „შემსყიდველი“ სამუშაოს მიწოდების პროცესში შეფერხების შესახებ.
- დაიცვას ხელშეკრულებით გათვალისწინებული ყველა პირობა.

## 9. მხარეთა პასუხისმგებლობა ხელშეკრულების დარღვევისას

9.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4. ხელშეკრულებიდან გასვლასთან და ზიანის ანაზღაურებასთან დაკავშირებით შესაბამისად გამოიყენება საქართველოს სამოქალაქო კოდექსი.

9.5. იმ შემთხვევაში თუ „მიმწოდებელი“ გადააცილებს „შემსყიდველის“ მიერ ეტაპობრივად გადაცემული დავალებით განსაზღვრულ შესრულების ვადას, დაეკისრება პირგასამტეხელო ყოველ ვადაგადაცილებულ დღეზე შეუსრულებელი ვალდებულების ღირებულების 0,1 %-ის ოდენობით.

9.6. იმ შემთხვევაში თუ სამუშაოს მიწოდების ვადის გადაცდენის გამო დაკისრებული საურავის ჯამური ღირებულება გადააჭარბებს ხელშეკრულების ღირებულების 3%-ს „შემსყიდველს“ უფლება აქვს შეწყვიტოს ხელშეკრულება.

## 10. ხელშეკრულების პირობების გადასინჯვის შესაძლებლობა

10.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

10.4. წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე

მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

10.6. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

## 11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11.3. „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი მომსახურება ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

11.4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

11.6. ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული მომსახურების ღირებულება.

## 12. ფორს-მაჟორი

12.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

12.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3. მხარე, რომელსაც შეექმნა ფორს-მაჟორული გარემოება დაუყოვნებლივ წერილობით აცნობებს ამის შესახებ მეორე მხარეს.

## 13. დავები და მათი გადაწყვეტის წესი

13.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

#### 14. ხელშეკრულების ინსპექტირების პირობები

14.1 წინამდებარე ხელშეკრულებით გათვალისწინებული პირობების შესრულების ინსპექტირებას განახორციელებს შემსყიდველის მიერ დაქირავებული საექსპორტო ჯგუფი - შპს „ლაბორატორია“, რომელმაც უნდა შეასრულოს ქ. თბილისის დიდუბის რაიონის ტერიტორიაზე, გრ. რობაქიძის გამზ. №7, კორპუსი №4 საცხოვრებელი სახლის მიმდებარედ არსებული ქუჩის საყრდენი კედლის და ქუჩიდან სადარბაზოებში შესასვლელი ხიდების აღდგენითი სამუშაოების შესაბამისი საპროექტო დოკუმენტაციისა და ტექნიკური დავალებების ექსპერტიზა, ტექნიკური და მშენებლობის უსაფრთხოების ზედამხედველობა, ლაბორატორიული კვლევის მომსახურება, შესრულებული სამუშაოთა აქტის (ფორმა №2) დადასტურება.

14.1 შემსყიდველი უფლებამოსილია სამუშაოების შესრულების პარალელურად მოახდინოს სამუშაოების შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

14.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული სამუშაოების ნაწილის და წუნდების მიზეზების მითითებით.

14.3 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

14.4. მიმწოდებელმა სამუშაოთა წარმოების ნორმების მიხედვით სისტემატურად უნდა აწარმოოს მასალებისა და შესრულებული სამუშაოს ხარისხის კონტროლი და მიღებული შედეგები შეიტანოს ყოველდღიურად ჟურნალში;

14.5. შემსყიდველს უფლება აქვს განახორციელოს ტექნიკური ზედამხედველობა, მშენებლობის ნებისმიერ მომენტში შეამოწმოს გამოყენებული მასალებისა და სამუშაოთა შესრულების ხარისხი. იმ შემთხვევაში, თუ ხარისხი არ აღმოჩნდება სამშენებლო ნორმებისა და სტანდარტების შესაბამისი, შემსყიდველი მხარე უფლებამოსილია შეაჩეროს სამშენებლო სამუშაოთა წარმოება და აკრძალოს შეუსაბამო მასალების გამოყენება.

#### 15. სხვა პირობები

15.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

15.6 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

15.7 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უზაფხანის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეკემბრის, ტელექსის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება

ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

16. მხარეთა იურიდიული მისამართები და რეკვიზიტები

„შემსყიდველი“

ქ. თბილისის დიდუბის  
რაიონის გამგეობა ს/კოდი: 202171167  
მის: გრ. რობაქიძის გამ. №2  
სს „ლიბერთი ბანკი“ ცენტრ. ფილიალი  
ა/ა № GE95LB0125152101627000  
ბანკის კოდი LBRTGE22

ლ. მხეიძე

„მიმწოდებელი“

შ.პ.ს. „არადელი“  
ს/კ 440 886 347  
მის: ქარელის რაიონის სოფელი არადეთი  
სს „საქართველოს ბანკი“  
ბანკის კოდი BAGAGE22  
ა/ა № GE38BG0000000296475000  
ელსმენი: 599 55 46 55

ბ. ტიტვინიძე



## ხელწერილი

ქ.თბილისი

04 ივლისი 2014 წელი

ვადასტურებთ, რომ ჩვენი მონაწილეობა ქ. თბილისის დიდუბის რაიონის გამგეობის მიერ 2014 წლის "04" ივლისს გაფორმებული №2.9.12/10/048 ხელშეკრულებით გათვალისწინებულ ქ. თბილისის დიდუბის რაიონის ტერიტორიაზე, გრ. რობაქიძის გამზ. №7, კორპუსი №4 საცხოვრებელი სახლის მიმდებარედ არსებული ქუჩის საყრდენი კედლის და ქუჩიდან სადარბაზოებში შესასვლელი ხიდების აღდგენითი სამუშაოების შესყიდვის განხორციელებასთან დაკავშირებულ საქმიანობაში არ ეწინააღმდეგება "სახელმწიფო შესყიდვების შესახებ" საქართველოს კანონის მე-8 მუხლის მოთხოვნებს.

რაიონის გამგებელი




ლ. მხეიძე

გამგეობის ინფრასტრუქტურის  
ბანკითარების განყოფილების  
უფროსი



ა. გვითიძე

გამგეობის ინფრასტრუქტურის  
ბანკითარების განყოფილების  
მთ. სპეციალისტი



თ. კიკვიძე



# ქალაქ თბილისის მერია



2419575

10-42/14181276

30.06.2014

თბილისის მერია / დიდუბის რაიონის გამგეობა ლევან  
მხეიძე

ბატონო ლევან,

თქვენი 2014 წლის 30 ივნისის #10-42/14181276 წერილის პასუხად გაცნობებთ, რომ ვინაიდან, მიმდინარე წელს მოსული უხვი ნალექის შედეგად რობაქიძის გამზ. #7, კორპუსი #4-ის მიმდებარედ არსებული გზის საყრდენ კედელს გამოეცალა საძირკველი და შეიქმნა მასზე გადებული სადარბაზოებში შესასვლელი ხიდების ჩამონგრევის საშიშროება და აუცილებელია დაუყოვნებლივ დაიწყოს მათი გამაგრების სამუშაოები, 'სახელმწიფო შესყიდვების შესახებ' საქართველოს კანონის 101-ე მუხლის მე-3 პუნქტის 'ბ' ქვეპუნქტის და 'გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის' მე-3 მუხლის მეორე პუნქტის 'ბ' ქვეპუნქტის მოთხოვნათა შესაბამისად, აგრეთვე, საზოგადოებრივი ინტერესების გათვალისწინებით, მიზანშეწონილად ვთვლი, წერილში აღნიშნულ საკითხთან დაკავშირებული სახელმწიფო შესყიდვა განხორციელდეს გამარტივებული შესყიდვის საშუალებით. ამასთან, 'სახელმწიფო შესყიდვების შესახებ' საქართველოს კანონის მე-7 მუხლის მე-3 პუნქტის მიხედვით, პასუხისმგებლობა ამ კანონით და შესაბამისი ნორმატიული აქტებით დადგენილი წესებისა და ნორმების დაცვისათვის, შესყიდვების რაციონალური განხორციელებისათვის მთლიანად ეკისრება შემსყიდველ ორგანიზაციას.

პატივისცემით,

თბილისის მერია

ქ. თბილისის მერის მოადგილე

ირაკლი აბესაძე

ქათბილისი, დიდუბის რაიონი, რობაქიძის გამზ. №7 კორპუსი №4 საცხოვრებელი სახლის მიმდებარე არსებული ქუჩის საყრდენი კედლის და ქუჩიდან საღარბაზოებში შესასვლელი ხიდების აღდგენითი სამუშაოები, რომელიც დაზიანდა 2014 წელს მოსული უხვი ნალექების შედეგად. (ფორსმაჟორი) მშენებლობის სახარჯთაღრიცხვო გაანგარიშება

| № | სამუშაოს დასახელება                                           | განზ. | რ-ბა   | მასალა    |       | ხელფასი   |      | ტრანსპორტი |      | თანხა |
|---|---------------------------------------------------------------|-------|--------|-----------|-------|-----------|------|------------|------|-------|
|   |                                                               |       |        | ერთ. ფასი | კამი  | ერთ. ფასი | კამი | ერთ. ფასი  | კამი |       |
| 1 | 2                                                             | 3     | 4      | 5         | 6     | 7         | 8    | 9          | 10   | 11    |
| 1 | ტერიტორიის გასუფთავება საყოფაცხოვრებო და სამშენებლო ნაგვისგან | ტ     | 7.00   | 0.00      | 0     | 18.00     | 126  | 15         | 105  | 231   |
| 2 | V-ე კატეგორიის მიწის დამუშავება ხელით                         | გ³    | 180.00 | 0.00      | 0     | 25.00     | 4500 | 15         | 2700 | 7200  |
| 3 | გრუნტის ხელით გამოტანა და დატვირთვა ავტოთვიმცლელზე (180X1,25) | გ³    | 225.00 | 0.00      | 0     | 15.00     | 3375 | 0          | 0    | 3375  |
| 4 | გრუნტის ტრანსპორტირება 20კმ მანძილზე ავტოთვიმცლელით           | ტ     | 416.00 | 0.00      | 0     | 0.00      | 0    | 15         | 6240 | 6240  |
| 5 | საყრდენი კედლის საძირკვლის მოწყობა რკინა-ბეტონით მ-300        | გ³    | 28.00  | 125.00    | 3500  | 60.00     | 1680 | 15         | 420  | 5600  |
|   | არმატურა ა-III                                                | ტ     | 1.40   | 1250.00   | 1750  | 180.00    | 252  | 20         | 28   | 2030  |
|   | არმატურა ა-I                                                  | ტ     | 0.20   | 1300.00   | 260   | 180.00    | 36   | 20         | 4    | 300   |
| 6 | არსებული ამორტიზებული კედლის გამაგრება რკინა-ბეტონით მ-300    | გ³    | 25.00  | 125.00    | 3125  | 60.00     | 1500 | 15         | 375  | 5000  |
|   | არმატურა ა-III                                                | ტ     | 1.90   | 1250.00   | 2375  | 180.00    | 342  | 20         | 38   | 2755  |
|   | არმატურა ა-I                                                  | ტ     | 0.20   | 1300.00   | 260   | 180.00    | 36   | 20         | 4    | 300   |
|   | საყრდენი ხის მასალა                                           | გ³    | 3.50   | 550.00    | 1925  | 210.00    | 735  | 10         | 35   | 2695  |
| 7 | ახალი საყრდენი კედლის მოწყობა რკინა-ბეტონით მ-300             | გ³    | 120.00 | 125.00    | 15000 | 60.00     | 7200 | 15         | 1800 | 24000 |
|   | არმატურა ა-III                                                | ტ     | 8.50   | 1250.00   | 10625 | 180.00    | 1530 | 20         | 170  | 12325 |
|   | არმატურა ა-I                                                  | ტ     | 0.30   | 1300.00   | 390   | 180.00    | 54   | 20         | 6    | 450   |
|   | საყრდენი ხის მასალა                                           | გ³    | 5.50   | 550.00    | 3025  | 210.00    | 1155 | 10         | 55   | 4235  |

| 1  | 2                                                                                                                | 3              | 4      | 5       | 6     | 7      | 8     | 9  | 10    | 11       |
|----|------------------------------------------------------------------------------------------------------------------|----------------|--------|---------|-------|--------|-------|----|-------|----------|
| 8  | საღარბაზოში შესასვლელი ხიდების და კიბეების გამგრება რკებულონით 2-300                                             | მ <sup>3</sup> | 7.00   | 125.00  | 875   | 60.00  | 420   | 15 | 105   | 1400     |
|    | არმატურა ა-III                                                                                                   | ტ              | 0.80   | 1250.00 | 1000  | 180.00 | 144   | 20 | 16    | 1160     |
|    | არმატურა ა-I                                                                                                     | ტ              | 0.10   | 1300.00 | 130   | 180.00 | 18    | 20 | 2     | 150      |
|    | საყალიბე ხის მასალა                                                                                              | მ <sup>3</sup> | 1.00   | 550.00  | 550   | 210.00 | 210   | 10 | 10    | 770      |
| 9  | სხვა მასალები: (დგარები "ზაფხები", კლასტაშის მილი, ლურსმანი, მოსაქსოვი მკეთული, ფიქსატორები, ელექტროდი და სხვა.) | ლარი           | 672.00 | 0.00    | 0     | 0.00   | 0     | 0  | 0     | 672      |
| 10 | მიწის უკუ ჩაყრა                                                                                                  |                |        |         |       |        |       |    |       |          |
| 11 | ტერიტორიის მოშენადკება და დასუფთავება                                                                            | მ <sup>3</sup> | 120.00 | 0.00    | 0     | 5.00   | 600   | 0  | 0     | 600      |
|    |                                                                                                                  | მ <sup>2</sup> | 107.00 | 0.00    | 0     | 3.00   | 321   | 0  | 0     | 321      |
|    | ჯამი                                                                                                             |                |        |         | 44790 |        | 24234 |    | 12113 | 81809    |
|    | ზედნადები ხარჯი 10%                                                                                              |                |        |         |       |        |       |    |       | 8181     |
|    | ჯამი                                                                                                             |                |        |         |       |        |       |    |       | 89990    |
|    | გეგმიური ღირებულება 8%                                                                                           |                |        |         |       |        |       |    |       | 7199.2   |
|    | ჯამი                                                                                                             |                |        |         |       |        |       |    |       | 97189.1  |
|    | გაუთვალისწინებული ხარჯი 5%                                                                                       |                |        |         |       |        |       |    |       | 4859.5   |
|    | ჯამი                                                                                                             |                |        |         |       |        |       |    |       | 102048.5 |
|    | დღ.გ. 18%                                                                                                        |                |        |         |       |        |       |    |       | 18368.7  |
|    | ჯამი                                                                                                             |                |        |         |       |        |       |    |       | 120417   |

შპს "არადელის" დირექტორი:  რ.გ.იტყინიძე

